

# MASƏLA AŇA WAKITÀ UWANA YUHANA ATSETSÈR Deuxième Lettre de Jean

## *Ayyi*

<sup>1</sup> Gi masiga, gətsetser à kak iyà aŇa azlabəza, uwana Zəzagəla akəsàni, Ňgaha à azlabəza aŇha, uwana gəwoya atà kaykay. Gi kokuđa gəl gulo pəra à uwana gəwoya akul aw, ama la azlauwana tasəl dziriga gesina babay. <sup>2</sup> Məwoya akul kà, kà uwana dziriga la ahəŇ la anu la abà, Ňgaha adagay la anu la tsərah à awtày.

<sup>3</sup> Zəzagəla Baba la Yesu Kristu, Kona aŇha, uwana mədahama gay à vok la dziriga, Ňgaha la masal, tavà à anu vok mahamay la dzəbà aŇha səla aw, uwana amatsànuŇla tsakana, Ňgaha la mav à anu lapiya la ləv la tsəh. Kà akul aŇa məbəzal tatak makər uwaga la dziriga la abà, Ňgaha la masal aŇha la abà bay.

## *Dziriga Ňgaha masal*

<sup>4</sup> Gərab mənğa, kà magagamay la azlabəza aŇak anik, Ňgaha la manəŇ atà uwana tadza à ahəŇ la dziriga la abà, ndzer, atà tadza à ahəŇ bokuba uwana: ‘Dzàw à ahəŇ’, Zəzagəla Baba gami agòđ. <sup>5</sup> Lagonay kà: Gənav à ka, kak iyà aŇa azlabəza uwana Sufəl akəsàni kà, məwoya à vok kà anu à anu, məpəhay uwana gətsetser

à kak kà mapəhay mawga aw, ama mapəhay aŋa Zəzagəla, uwana məkəs dagay la madzəka. <sup>6</sup> Madəh uwana Zəzagəla apəh kà uwaga masal. Aganay uwana: ‘Dahàwwàŋ’, Zəzagəla agòd dagay madzəka, kà akul aŋa manəf tetəvi aŋha, ŋgaha kà kadzaw à ahəŋ la masal la abà.

<sup>7</sup> Aŋuvaw azlaməna fida tasà à waŋ à gudəŋ à vok, taslèh gəl à gudəŋ à abà gesina. Takəs kà Yesu Kristu masla adapaka dza ndzer aw. Dza uwana apəhay kiya uwanay kà: masla fida, masla kà, masla məzam aŋa Kristu. <sup>8</sup> Dahàw hanəkəli, tsizllàw à ahəŋ lela kà gəl aŋkul, kà akul aŋa maz masik aŋkul ala aw, uwaga kà mayyay aŋa sləray aŋkul uwana kadfahàwwàŋ, kà akul aŋa mabəz masik aŋkul mahənlaga, pawasla.

<sup>9</sup> Kəla dza uwana adəh uwana Kristu apəha-kulla aw, ama azalà azlatatak anik anik à gəl aya, dza uwaga kà, maham gay à vok gə la Zəzagəla aw. Ama dza uwana anəfa tatak uwana Kristu apəhla, masla la maham gay à vok la Baba, ŋgaha la Kona babay. <sup>10</sup> Kəla dza uwana atsà à waŋ à slaka aŋkul, ama atapakulla kiya uwanay aw, ‘Ayyà’, kagodəwwal kà madz à ahəŋ aw. Təfà, kagodəwwal kà mapisla gay à vok la mapis gay à vok aŋa Zəzagəla aw. Baməraaka ‘Ayyi’ bay kà, kagodəwwal, la ‘Ayyi’ aŋa maham gay à vok la azladedə aw, <sup>11</sup> kà uwana dza uwana ‘Ayyi’, agodəy à tsəhay dza uwaga, apisla gay à vok kà, tahamə gay à vok la slaka gə la sləray mawisiga uwaga la abà, uwana dza uwanay adəhəŋ.

*Ayyi makəf gəl à ahəŋ*

<sup>12</sup> Gay aga la gi lakəl aṅuvaw, nəma kà mapəh à akul. Ama asa à gi gətsetser à akul matsetseray aya aw, gədàda à awtày à slaka aṅkul la gəl gulo, ṅgaha gədàpəh à akul kà ləv gami aṅa mahənla la marabay.

<sup>13</sup> Azlabəza aṅa deda aṅak misga tafaha ka: ‘Ayyi’, atà uwana Zəzagəla atsatsàmàni atà babay.

**Wakità Zəzagəla Wakitə Anja Makəs Vok  
Slawda Mawga (Cameroun)  
Matal: Wakitə Zəzagəla Wakitə Anja Makəs Vok  
Slawda Mawga (Cameroun) (New Testament)**

copyright © 2019 Wycliffe Bible Translators, Inc.

Language: (Matal)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 13 Jul 2024 from source files  
dated 29 Jan 2022

03efbf2f-98ca-5534-8610-0be3a8c4b974